

Infohefte om skoleskyss skoleåret 2024/2025



Kven har rett på gratis skoleskyss?


- Vidaregåande elevar som bur **utanfor** ungdomsbillettområdet eller er for gamle til å kjøpe ungdomsbillett, og som har meir enn 6 km til skolen
- Elevar med varig eller mellombels funksjonshemming/sjukdom kan ha rett på skyss mellom skole og heim uavhengig av reiselengde
- Elevar som treng skoleskyss med båt

Detaljert skoleskyssreglement og kart over ungdomsbillettområdet finn du på www.skyss.no/skoleskyss

Ungdomsbillettområdet dekkar store delar av Bergen og omegn, og aldersgrensa for ungdomsbilletten er 21 år



Slik søker du om skoleskyss



Vidaregåande elevar som bur utanfor ungdomsbillettområdet som skal søkje om skoleskyss med **buss**, kan søkje sjølv via sjølvbeteningsportalen på <https://skuleskyss.vlfk.no/>

Skolen må sende inn søknad for elevar som bur innanfor ungdomsbillettområdet og som er over 21 år. Dette gjeld også dersom eleven skal søkje om skoleskyss på medisinsk grunnlag eller manglar kollektivtilbod.

Skolane søker om skyss for sine elevar i skoleskyss-systemet Skyss Elev, og godkjent skoleskyss blir sett opp utifrå informasjonen som skolen registrerer her. Det er viktig at:

- Timeplanar, bustadfordelingar etc. blir kvalitetssikra før ein sender inn søknaden
- Skolen sender ny søknad dersom skyssbehovet endrar seg eller er lagt inn feil

Skolen må sette seg inn i søknadssystemet Skyss Elev og regelverket. Skolen har rettleiingsplikt, og skal informere elevane om skyssrettane deira.



Timeplan (felles start og sluttid)

Skolen felles timeplan frå inneverande skoleår blir automatisk flytta opp til skoleåret 2024/2025, og kan ikkje endrast av skolane. Det er viktig å sjekke at tidene er korrekte slik at ikkje feil informasjon blir sendt inn. Ved behov for endringar må de kontakte skoleskyss@skyss.no med forklaring på det konkrete endringa er.

Skolerute for det nye skoleåret

Ref. Rettleiande skulerute frå OPK, skal dei vidaregåande skulane følgje skuleruta for vertskommunen:

- Oppstart og avslutning av skuleåret skal følgje vertskommunen.
- Skulane følgjer vertskommunen sin vinterferie.
- Skulane skal så langt råd leggje elevfrie dagar parallelt med kommunen dei høyer til.
- Felles elevfri dag fredag 01.11 ikkje kan flyttast på.

Skoleruta til skolen må sendast til skoleskyss@skyss.no innan 5. mai



Avvik i sluttider (siste dag før jul etc.)

Skoleskyssen er sett opp til ordinære start- og sluttider. Ved behov for transport til andre tidspunkt må skolen bestille og finansiere denne transporten sjølv. Kontakt drosjeoperatør direkte for endringar.

Frist for innmelding av tilrettelagt transport

Fristen for innmelding av medisinske søknader er 15. juni.

Søknadar om tilrettelagt transport som kjem inn etter 1. august får inntil 14 dagars behandlingstid. Dette gjeld også ved feil i søknader (for eksempel timeplanar, adresse etc). Transport i påvente av godkjent søknad om skoleskyss må ordnast sjølv.



Sjekk status på søknad

Vedtak vert sendt via Digipost til elev, og skolane kan følgje med på status/informasjon i søknadene i Skyss Elev.

Elevane får tilsendt SMS frå fylket når dei blir tildelt skoleplass. Dei blir då informert om at dei kan søkje om skoleskyss med buss sjølv på www.skuleskyss.vlfk.no

Utplassering

I dei tilfella der utplassering av elevar er ein obligatorisk del av undervisninga blir skoleskyss dekkja etter same reglar som for skyss mellom heim og skole. Reglane om Ungdomsbillett gjeld også med omsyn til skyss til/frå praksisplass.

Adressa til praksisplassen må leggjast inn i søknaden til eleven i Skyss Elev. Dersom det blir innvilga buss må skoleskyssbilletten innehalde haldeplassen til praksisplass for å vere gyldig.

Ev. reise til utplassering (til dømes fiskebåt i nord) blir ikkje dekkja av Skyss.



Tilrettelagt skoleskyss med taxi

All skoleskyss skal som hovudregel utførast med kollektivtransport.

Elevar med rett til gratis skoleskyss som ikkje kan nytte seg av kollektivtilbodet, kan søkje om tilrettelagt skyss på heile eller delar av strekninga dersom eitt eller fleire av følgjande vilkår er oppfylt:

- behov for anna skyss enn buss grunna varig eller mellombels funksjonshemming/sjukdom
- manglande kollektivtilbod på strekninga der eleven har rett til skoleskyss grunna avstand

Ved søknad om skoleskyss på medisinsk grunnlag må skyssbehovet vere dokumentert med legeerklæring eller erklæring frå behandlande psykolog som inneheld:

- grunngjeving for kvifor eleven treng skyss
- kva slags type skyss eleven treng (buss, skyss utført med eige transportmiddel, drosje/tilrettelagt skyss)
- tidsrom for når eleven treng skyss (veker, månader, år)

Mangelfull erklæring frå lege/behandlande psykolog kan resultere i lengre saksbehandlingstid – og i enkelte tilfelle avslag på søknaden.



Skyss samarbeider med den fylkeskommunale legenemnda

Legenemnda vil kunne vurdere legeerklæringa og vurdere eleven sitt transportbehov.


Hentetider for tilrettelagt skyss

Tilrettelagt skoleskyss erstatter rutegående transport og er basert på samkøring. Skoleskyssen blir sett opp til faste start- og sluttider, og konkrete hentetider kan skolen (ev. elev/foreldre) få opplyst av den aktuelle drosjetransportøren etter at søknaden er godkjent.

Det er viktig at det er registrert rett timeplan for trinnet, eventuelt for eleven dersom eleven har egen tilrettelagt timeplan, då det er denne som er utgangspunkt for hentetider.

Transportør kan leggje opp køyreruta slik at eleven kan komme inntil 15 minutt før første time, og hentast inntil 15 minutt etter siste time.

Henting utanom faste hentetider i samband med akutt sjukdom fell utanfor retten til skoleskyss.



Tilrettelagt skoleskyss med eige transportmiddel

Elevar med rett på tilrettelagt skoleskyss kan søke om å utføre skoleskyssen privat/med eigen bil. Skolen skal søkje om eige transportmiddel i søknad, og dette må vere godkjent av Skyss på førehand.

For å få refusjon i samband med godkjent skoleskyss må skyssutøveren sjølv føre krav om godtgjering i Visma Expense. Refusjonskrav blir utbetalt etter faste satsar etterskotsvis, og etter endt halvår (eventuelt skoleår).


Skolen må attestere refusjonsskjema som skyssutøvar sjølv lastar opp i Visma Expense.

Meir informasjon finn de på <http://www.skyss.no/skoleskyss> under "Reglement og skjema" - Refusjon av utgifter til skoleskyss. Her finn skyssutøvar mellom anna rettleiar for refusjon og aktuelle skjema for føring av refusjon.



Skoleskyssbillett

Alle elevar som blir innvilga gratis skoleskyss, og som nyttar offentleg transport, får tildelt skoleskyssbillett for buss (ev. andre transportmiddel som båt, tog, ferje). Eleven kan velje å få skoleskyssbilletten på mobil eller kort.



Skoleskyssbillettane er tilpassa skoleruta og gjeld med følgjande avgrensingar:

- Skoleskyssbilletten er gyldig mellom heimen og skolen
- Skoleskyssbilletten kan nyttast til 2 reiser pr. skoledag med eventuell omstiging
- Skoleskyssbilletten er ikkje gyldig i helger, feriar og fridagar
- Skoleskyssbilletten gjeld for maksimalt 190 skoledagar
- Skoleskyssbilletten er gyldig frå kl. 06:00-22:00

Skoleskyssbilletten er personleg, og kan ikkje brukast av andre, eller på andre strekningar enn mellom heim og skole.

Skolen skal deaktivere elevar sin skoleskyss dersom eleven sluttar, flyttar eller av andre grunnar går ut av skyssordninga midt i skoleåret. Elevar som går ut av skyssordninga må levere inn fysisk skoleskyssbillett til skolen.



Skoleskyssbillett på mobil



Elevar med rett til fri skoleskyss ved ungdoms- og vidaregåande skolar i Vestland kan velje å få skoleskyssbilletten sin på mobilen.

Skoleskyssbilletten vil ligge i appen Skyss Billett, der billetten er aktiv og synleg på alle skoledagar.

Elevar som ønsker det, kan fortsette med dagens løysing med fysiske skolereisekort.

Du finn du meir informasjon om skoleskyssbillett på mobil på www.skyss.no/reise/skoleskyss/skoleskyssbillett-på-mobil/

Kontaktinformasjon

E-post: skoleskyss@skyss.no

Telefon: 55 55 90 70, tasteval 2.

(Opningstid mellom kl. 09-12 alle skoledagar)

Nettside: www.skyss.no/skoleskyss

Skoleskyss

Det er Skyss som har ansvar for skoleskyssen i Vestland.
Elevar som har rett på dette, får innvilga gratis skoleskyss.

- NYHEIT: Skoleskyssbillett på mobil
- Skoleskyss i grunnskolen
- Skoleskyss i vidaregåande opplæring
- Ofte spurde spørsmål
- For skolane
- Reglement og skjema
- Kontakt skoleskyss

